

善  
845.76  
40-1

清容居士集 十一



清容居士集卷第二十七

神道碑銘

朝列大夫同僉太常禮儀院事白

公神道碑銘

白於太原為令族至金源氏與太原衣冠

為家盛而白氏兄弟相繼踵儒科故中大

夫樞密院判官兼右司郎中輕車都尉南

陽郡伯諱華字文舉其季也唐宋樞密無

判官金天興帝賞器之特置職以寵繇是

相仍自郡伯始郡伯後居真定生子四人



俱有時名君諱恪字敬甫少警敏三歲善  
作字書八卦八字有以見于鄉先生元公  
好問公作詩深器之郡守上其能將薦于  
朝郡伯謝弗許稍長里之先進張先生耀  
卿愛其才獎拔力成就至元中  
世祖遣使詣州郡試明經生復門役君首  
預選弱冠試吏探姦拔寃獄具御史不能  
撓後為河南按察司書吏有尉卒利孀婦  
財未終喪強贅於姑家既而虐其婦復不  
禮其姑姑告於官絕之尉卒隱其罪屢訴

終喪無明文事久不決君悉疏所犯聚邑  
人以告婦得終養其姑焉至元十四年江  
南建行臺御史大夫相威公慎簡所屬署  
君為掾史即條不便事凡二十大夫見  
世祖力陳之允十有八寔著令者大辟成  
讞上刑部聽報可賈某公田租歲減什二  
十八年授從仕郎江東建康道提刑按察  
司經歷改荆湖占城等處行省都事時荆  
湖省臣某括財恣威福君度不可與共事  
辭不拜後果受誅二十四年改浙西提刑

按察司經歷遷平江丁母羅夫人憂以夫  
人喪葬于吳將終老焉會詔舉不附權  
臣自悔者有以君解荆湖事薦于  
上除福建宣慰司經歷閩郡廣遠豐歉不  
同是歲汀州穀善收成兵所給糧不登數  
福泉興化穀驟踊有司議移三郡穀于汀  
君建言道途轉輸大無益發貴粟以賑三  
郡歸直于河可多得穀誠兩便有司難之  
君署記曰使有罪顛已獨受卒如其議而  
官之贏糧果增倍宣慰司復為省君治六

曹文牘以俟平章某公知君簿領有能名  
受其籍以付吏三十二年丞相太傅公為  
湖廣平章君時為都事俾陳樞密院及本  
省科便侍丞相入覲有旨允其奏復陞負  
外郎即湖廣聯絡左右江官吏秩祿歲一再  
受俸於省地遠得不償旅食有棄俸不願  
受者君建議隨所部以給迄今行之衡永  
戍兵耕閒田官出牛輸其租牛死不得落  
籍戍兵歲率錡數十萬以酬君惻然計之  
曰牛死當納皮角于官除故籍而以官租

捐納之則得矣成兵繇是免害有省臣獻  
廣西地肥沃可為田徙湖南居民往耕之  
當調戶五千君力言不可平章公是其議  
奏止之獻田者復調兵征思明發運粟入  
賊境道遠雨淖荷擔者各持去志君憂有  
他變出直募民民樂受以往峽州歲饑請  
粟于官有歛核驗始發君言饑民朝不及  
夕使核驗死當過半矣大德二年進本省  
理問官推誠燭幽莫有滯濫而言論風采  
彬彬文雅蓋以吏治濟其儒得者與四年

改江西省理問官寃偽楮獄得直于時翰  
林承旨閻公復持士論賢否有言曰白文  
舉父子兄弟俱有文名敬甫幼負俊聲老  
不入翰林咎將誰報奏為翰林待制復同  
僉太常禮儀院事儀度閑整贊導禋祀動  
不踰矩蒼顏玉立真善為頌者也楠向為  
翰林應奉幸得侍同朝聆議論接顏色寬  
厚平實言金諸老行事歷歷指掌晚自號  
竹梧其為文不事雕飾扶掖後進侃侃自  
持知其於孝友有加也生丙午歲十有二



月至大二年己酉四月卒于官年六十有三積階至朝列大夫有詩文若干卷藏于家某年某月某日葬于真定路真定縣文朱洛村曾祖仲溫隱德里居妣李氏祖宗完金故贈朝列大夫輕車都尉南陽郡伯祖妣李氏妣張氏羅氏君羅出也娶盧氏中書架閣管勾順之女翰林承旨摯之女弟男五洲安福州儒學教授沆蘄州路蒙古教授皆蚤世湛今承事郎浙東道宣慰司都元帥府都事洙國子學正灝江西湖

東道憲司書吏先卒女三長適李崇靜江  
路稅課提領次適甄遂良季適李權河間  
路某州樂壽縣尹孫男八貞采暹辟楸  
樞桂孫女四魯孫男一女三湛為元帥府  
都事楠適請告歸里以事狀拜且言先君  
子嘗得與子同院銘莫如子楠謝不敢辭  
廼為之銘曰  
有完者圭藉之以韋不泄其溫經祀用祇  
受中以生剛柔是宜木神則仁其用不陂  
顯允太常幼敏且岐挹其粹精飭躬以教

黜明養潛爰燭姦暴匪伊求之我曷望報  
道在一源挈以簡要詹詹炎炎益飾其巧  
佩玉舒徐六轡濡如執簡以陳矢言不迂  
彼計功者承色善趨較以虧成卒喪其軀  
有高維閔茲為守儒恒山之陽松柏茂直  
詔于雲仍是謹是則臚仕之初堯篋踵變  
詢彼故老曰惟祖德我銘孔昭庸告爾無  
斁

贈翰林學士嘉議大夫馬公神道

碑銘

浙東道宣慰使都元帥馬公踵門以告曰  
惟吾先公隧道碑未立子職在太史勲奮  
死事貞逸之士嘗焯焯紀著登載金匱先  
公仕雖不顯其見知于

世祖受學于碩師河內後進猶能誦習遺  
事敢以行實告它日上其事史館則子實  
前史官庶幾傳信可永久敢再拜以請謹  
按公諱克實字士輝覃懷河內人及庭天  
父某

皇朝入中原略地定圖貢詔大帥專除授

嘗得署郡縣副貳兵配大父以土名諱弗  
可攷公八歲遭大喪從母完顏氏携載以  
從其夫李侯侯長萬夫隨征六盤善謀畫  
裨贊李益取自助六盤為高昌要衝高昌  
之俗收經史立校官地與西域接故其聲  
音文字詳於諸國公得其說而習焉  
世祖皇帝大一寰宇命以其國語別立文  
字用於印章宣勅其字母與西域相近公  
旁曲通暢單出雜比會其指歸學者爭詣  
門請業許文正公薦于

上以儒服入見于柳林委曲問時事悉以  
國語對

上大喜錫以錦帽語翰林學士承旨某公  
左丞相耶律公宜以為稠人師遂僅授將  
仕郎懷孟路蒙古教授再授承事郎襄陽  
路均州判官然不樂仕進嘗曰我能知樹  
藝遂力治其間田因原隰以種所宜木春  
華秋實茂鬱滿道過者咸曰此馬公手植  
也縣西有田二十餘頃皆先世業歲久勢  
家悉占其肥沃後服公純德始願歸其田

卒酬直以受方許文正公講授鄉里時靳  
許可遊其門者察以歲月始命執弟子禮  
獨見公篤厚溫謹即俾就列授性理大義  
以躬行為先公能守之故其退讓無干進  
之念而恂恂里閭克修克儉皆師訓也文  
正公侍

帝所無虛日懷孟素產地黃可釀酒其修  
治貴精謹

上問文正鄉弟子孰為誠實即以公對公  
素知製法得山中石泉如法釀以進許公

之薦將繇是俾嚮用而事若不偶公復不  
以為介豈安於命分者與後有奏為河渠  
使者又將奏為蒙古院學士皆力謝不受  
里中有德大師金內族年過百齡能知人  
壽夭前後俱尊異之公甫生一日德夢其  
故友宋讓曰吾今為馬家子矣後抱示之  
摩頂即為笑容噫死生事不可詰若前史  
所載又有若侶焉者寧勿書卒于至元二  
十九年四月六日年六十葬于河內縣青  
平村先塋之次娶劉氏征西萬戶某之女



後公四年卒生二子長鑄即元帥公次鎔  
朝列大夫廣西海北道肅政廉訪副使次  
娶李氏生二子銳奉議大夫廣州路治中  
次鋼皆蚤世女五人適陳吉甫張漢卿王  
某朱仲德楊某鑄男四長德潛內監尚衣  
次德源德淳皆國子生德淳今為鎔後德  
淵府學生女四適太祝王世昌戴彥實李  
起宗郭成可銳男二德潤德溫曾孫一孟  
孫至大三年鑄為禮部郎中推恩得贈翰  
林學士嘉議大夫上輕車都尉扶風郡侯

謚莊惠劉氏贈扶風郡太夫人李氏封扶  
風郡夫人鑄官中奉大夫浙東道宣慰使  
都元帥又贈公某官劉氏贈某夫人大父  
贈某官大母完顏氏贈某夫人擁於是有  
言曰仕嘗患弗及其身歿而子榮推其榮  
以及其先而為善之效著矣世固有極其  
顯光攷無德以傳卒至於子孫流播可勝  
道哉元帥公中外揚歷清白益著今帥浙  
東事不苛求而明燭幽隱不為己甚遺莫  
徒者猶先公之志是宜銘詩以昭來世銘

曰

相彼上田或隰或陵深振平培  
實者缶之茹者釜之梓漆是供  
種不亟求曰惟歲年視彼種德  
溫溫馬公植善無倦仕匪蹇特  
經緯聲音服習訓則奉盈彌謙  
詔爾孫曾戰競是承蔽芾長松  
翰林學士承旨榮祿大夫遙授  
章政事贈光祿大夫大司徒上柱  
國永國公謚文康閣公神道碑銘

世祖皇帝應期握圖肇函諸夏文經武緯  
各當厥職粵惟東平地接鄒魯時則有嚴  
忠武公披荆翦蕪扶植儒學作成逢掖率  
能敷文帝度風動八表鄆之得人號稱  
至盛而閣徐李孟世名以四傑焉自至元  
至于天德更進是用語詰令典冊則皆閣公  
所獨擅公諱復字子靜幼入東平府學蜚  
聲炳著操筆綴詞賦音節和暢融液事理  
率占為舉首幼從贈翰林學士康公康大  
器之本常徐公道陸年長有聞譽不敢以

後進待公在翰林家久，贊書積凡高下，輕重擬議精切，傳誦以為楷則。其待僚案釋敏秀者，自近不滿意者，不復強以文墨任。蒲不詞，雖請托亦不得以叙遷。故事表，戔自待制而下，分撰公命，各為一通，輯其精良，融為一家。而別擬以示其屬。始仕東平，行臺書記御史臺掾。生元八年，入翰林為應奉文字進脩，撰十六年，陞翰林直學士。十九年，侍講明年，兼集賢侍講。與于士子時，兩院皆領會同館錄。是自應奉至侍講，皆

兼會同二十二年陞翰林學士改集賢學  
士大德元年復除翰林學士四年拜翰林  
學士承旨而知制誥脩國史皆視其職以  
進其補外職則僉河北河南道提刑按察  
司事浙西道肅政廉訪使而可徵則  
世祖陟方召公草詔于上都  
成宗繼崩復召公上都  
武宗即位首上疏白惜名器明賞罰擇人  
材朝論建之賜金錦白金以彰其直顧公  
老矣願致事以歸廼進階榮祿大夫遙授

平章政事給半俸以供其老且命婿李嗣  
宗特授承直郎同知高唐州以侍養  
仁宗在東宮時知公歸特遣使賜幣命公  
卿設粗帳于都門外桶嘗以院屬侍公入  
議事堂鵠峙山立中外各改容以奉語簡  
意足不屑肩持辨爭丞相而下皆傾動一  
日草詔書其語意難以入國語大臣疑之  
有集賢學士亦出微語公召掾史具紙筆  
請學士改撰學士大愧却立會食畢公改  
為之而前詔一字不復用一生大驚公以

文墨自任不肯為緊要官罷尚書省時  
世祖召入使殿諭以卿為執政何如公  
謝不能  
世祖曰知讓誠美事宜勿強  
成宗擇相召公寧問曰左丞相缺孰可任  
以江浙行省左丞相集對益稱  
上意其陳于上者大較若定孔子主祀  
賜孔林洒掃及祀田皆所建明興國學於  
廟樂所勛為多而其在憲府以衰本崇化  
為先務雷大德星變疏十九事皆切中弊



壞

成宗賜楮錢萬以優寵公受知

成宗為深寧問其所師承金玉幣器錫賚

有加

仁宗初政首命召公以疾辭皇慶元年三

月某日年七十有七薨其年五月葬于先

塋之側公將薨時夢游祠宮有道士迎問

公年口占一詩以畧覺而言曰吾殆云遊

矣世方倚公為重而公不復少留可慨也

矣其所為文號靜軒集內外制禁若干卷

將傳于世。楠，繇。泰定元年，得告歸里。越明年，公之壻奉直大夫南臺監察御史李嗣宗以書來，誨濱告曰：子職在太史，出處大。致子侍承，知為詳。隨碑未立，願登其事于石，以貽永遠。楠踧踖莫辭，謹按閻氏平陽人，今居高唐州。魯大父衍，贈嘉議大夫大司農，知永安郡。公謚懿德妣趙氏永安郡夫人。祖和，叔贈昭文館大學士，資善大夫。永安郡公謚昭猷，妣武氏，封永安郡夫人。考忠，故高唐立簿，贈銀青榮祿大夫大司

徒來國公謚惠穆妣牛氏劉氏追封永國  
夫人娶尹氏趙氏李氏男一嗣慶以蔭授  
奉訓大夫廣平絳成州知州未任以疾卒  
女一孫男二翁安翁壽女適即御史君也  
公既下世婦弟淮東宣慰使李處恭時為  
吏部侍郎慨然曰吾寧使闕公終無以易  
名適請于朝得贈光祿大夫大司徒上  
柱國永國公謚文康其姊亦封永國夫人  
而公三世亦以令典得追贈並榮倚與休  
哉銘曰

秦伯之魯食采於閭因邑為氏慶源涓涓  
大原之閭顯武後唐載多著名分茅為主  
有孫曰象決科就文撫綏降邦極其溺焚  
迢迢裔孫實家平陽載邑死事和州歸歲  
是生悉穆占籍名郡推誠急施樂善不靳  
教子有行俾離其鄉業精行成何求不償  
顯允文康以文律著執其牛耳莫盛敢侮  
斟酌秦和密勿元氣英露喬雲万物屬鼎  
鎮于詞垣幾四十年矜彼不能擢才進賢  
維我

世祖養茲國珍荐更

三宗猶昔舊臣公歸白雲多士盡悼凡今  
曰能亦公所造向以遠貽有豐其碑實茂  
聲私播于銘詩

周瑞州神道碑銘

景定元二間賈相某隱城下盟罔宋帝理  
宗邀竒功外受強寇內括民業廷綽鉗舌  
奉風音稍異議輒諷臺臣斥去小者歸田  
里大者入壘瘴時則有豫章周公以史館  
檢閱入對曰李壇繇山東來歸實急而求

我區區一旅瞭然可見借授無功彼敗我  
辱招譽之道梁武在位四十餘年卒墮其  
計陛下臨御日久不冝復蹈前轍父全逆  
叛著在信史已登告于祖廟壇乞政正是  
作史者誣枉逆全行事淮東人猶能道此  
亦陛下在宥之所覩馘困投林誠不可使  
縱意于秦又曰臣近覩輔郡和市富室田  
業以修軍餉良以和雜廣造楮多楮多則  
楮茲賤是誠不可不變通也今所在置司  
擇其上腴低直以酬又欲令賣田之主抱

佃輸租歲或荒歉田主必當割他租以補  
他租既竭歸于耕耒耕夫逃亡歸于鄉役  
可謂獲近效而忘遠慮自漢以來納粟補  
官歷代循用輸粟既微補爵亦輕不足以  
動豪民臣宜以為宜繇尚書省樞密院吏翼  
為出身之品格立止法則大家相胥以勸  
可以立辨未可無雜楮可減造矣疏入相  
大怒言者急繫去而公風節言論著江表  
公諱應合字淳叟七歲授詩書通習大義  
年十七父如翼贈朝奉郎母胡氏贈安人

相繼即世遠事王父友賢以卓行稱宋寧  
宗朝嘗旌其閣書棣華扁以賜號為棣華  
周氏嘗從棣華君至近郊望邑有火光亟  
返奉安人樞入祠堂袖神主以出王父竒  
之紹定四年詞賦應鄉書不中始悔曰吾  
安能事雕刻乃學春秋經結廬深密探微  
索幽從者益衆淳祐元年應試兩浙轉運  
司果冠諸生十年有旨試運轉司者入別  
院復在首選授江陵府府學教授待次歸  
里授生徒曲為講說會歲饑首率鄉黨立



三事一曰貸貧民二曰濟疾苦三曰賑游  
末包公恢記曰是三者足補義社倉之未  
備十三年官江陵首講孟子曰壯者以暇  
日脩其孝弟忠信此凡民也士無一日而  
不脩士不當以壯幼論師友言行去其徧  
黨據會立要學者深德之創鄉射齋申勵  
武備別立凡例以脩郡乘趙丞相葵雅知  
名會宣撫荆湖辟為元寮以志書未成辭  
馬公光祖帥荆湖師援夔路俾為屬主贊  
畫蜀事益急詔趣馬公援蜀馬公聽郡議

不決公獨贊進即乃解開慶二年馬公帥  
沿江復佐江東無長明道書院淳公嗣久  
絕詢諸池陽得五世孫偃孫以主奉粹二  
程道語若干卷復以馬公命為新金陵志  
自史館歸外補通判饒州後攝郡事決疑  
剖奸絕煩擾催督部使者爭薦之咸淳三  
年主管華州雲臺觀四年通判寧國府其  
治如番而補其前逋復攝郡事大脩學宮  
除輸苗之不便於民復梅都官諸孫斥豪  
禁吏人不敢以犯湘帥注公立信舊伺察

奏辟通判潭州兼叅議官丞相審治行目  
諸賢交章無虛歲亦欲俾出門下諭意長  
沙毋行公不可相聞益怒會江文忠公在  
相位以國子監簿進擬亟命御史李珣禱  
劾德祐元年登極恩復官是歲賈相兵敗  
走維揚起守寧國江西以瑞缺守辟知瑞  
州將治兵為固圉計與帥議不合劾去素  
善訓子長子天驥年六歲敏記誦宋有童  
子科俾習之年十一以能文詞舉後登上  
第人取以為法寰字合一天驥守吉州迎

以養却甘茹蔬感慨遁迹人不知太守守守為  
有父至元十七年卒年六十有八眉山程  
尚書公許嘗語曰君理義則濂溪章表侶  
平園以溪園自號為宜維周氏籍會稽唐  
以憲銜官鎮遏江州曰勅為御史中丞銀  
青光祿大夫因家江州六世孫曰師教訓  
先徒里人稱曰一經居士又三世曰昌元  
妣胡氏是生棣華君子男四長即天驥次  
天虎天鳳天龍女適朝奉郎經略叅議官  
吳疇吉州教授劉明仲從仕郎潭州路湘

陰令冷願孫孫男十二志道某官志仁志  
德志學志義志立志遠志禮志行志敏志  
伊志崇曾孫男十六女二四世孫十有八  
五世孫三娶王氏繼萬氏俱封安人其葬  
在吉水縣同水鄉臻善里鷓鴣山之原天  
鳳幼歲入官熟昔時言行罔缺較楠備翰  
苑屬與之言論傾倒身履目接人則曰官  
簿不足恃久而曰彼兩家不可輕楠投紱  
歸里強使拔文天鳳以泉州推官同在院  
未幾楠以喪子歸天鳳請銘銘曰

蹇蹇史君內剛以文察其要機叩于帝閣  
蒙耻冒功厥腥四聞我后不知惟相之云  
佐郡未幾輒劾以去真心委順不懼伊沮  
山鑿野刻勤披纂組謂宜掌制命則不遇  
教子有謨見其提符我實故臣逃空以娛  
叔也秉文庭誥靡渝詵詵者孫冠佩是侶  
宦若不偶名則罔替昭銘松阡以告良史  
有元故贈中憲大夫中書吏部侍  
郎騎都尉陳留郡伯郭公神道碑  
銘

大德十一年楠再入翰苑郭侯郁文卿時  
為江浙行省都事獲締交焉見其受易學  
于侯先生得見尊公于庭下延祐五年文  
卿為中書檢校余時直集賢來往益密而  
其尊公正席危坐凡辱交于文卿者咸執  
弟子禮嘗聆其言曰吾見幸竊祿位不敢  
以自喜其所行事未嘗不察其指要而足  
以垂後者亦將以示吾子若孫居吾語子  
焉始見以吏能及格為掾都省定水縣門  
計功以便民民不敢謾而官費以省晉山

荐饑且疾疫親歷其家去偽冒為善藥以  
治得治者三千人為宣徽都事行省都事  
勾稽奉公增餼羊若干而浚役于松江者  
去其工直十有六萬石吾懼其瘠于民也  
民不以病是則吾之所深喜也于時衛府  
調卒萬五千至都城計其往復俾俱以九  
月集白于省大臣大臣許之至則器甲精  
銳士馬肅給為諸省冠其餘稽工會程而  
不志苛刻於余諸孫良有望矣其在浮梁  
也迎余以養見其治學宮立鄉校廣弟子



負知余後裔之必有以儒術顯者矣公之  
語於余者知其嗣必昌也公飲酒不亂道  
金朝遺老行事猶能反復感慨鄉人尊為  
隱君是年八月卒于京師得年七十有  
六公諱天祐字祐之世居汴梁封丘縣呂  
村祖進考誠嘗職民千夫長娶林氏汴梁  
為金遷都兵逼野處僑居大名大帥噐之  
因以長千夫郭氏大墓數十兵亂蹂藉不  
可攷而新塚猶存三房審其為大家明矣  
延祐六年八月某日葬于先塋郁為浮梁

州以大賚恩進封奉政大夫知宜興州驍  
騎尉延祐七年郁授中順大夫知高郵府  
至治三年授中憲大夫同知兩浙轉運  
鹽使司事泰定元年授亞中大夫僉江西  
湖東道肅政廉訪司事二年七月贈公中  
憲大夫中書吏部侍郎騎都尉陳留郡伯  
未幾郁改授慶元路總管楠嘗以謂貴顯  
之及於親必原於遠祖親榮矣而考其若  
子之行事是猶望於後也自侍郎之無祿  
亞中公四歷要官楠略其治狀以侍郎之

言為可證豐功茂德見於去思誠不在是也配李氏累贈陳留郡君公男四長亞中次迪嘗為錢穀官厚海道運糧萬戶府百戶仁以黃陂主簿今為江浙行省掾郁娶孫氏封陳留郡君子三澍渥國子生壽蚤卒迪娶崔氏子三厚娶崔氏子四仁娶孫氏亞中來乞銘銘曰

大梁之區厄為兵墟層城鬱峩以薙以鋤維郭氏先廕有譜圖迢迢郭公在唐紫朱吏部有謙弗克以居以其先聞維訓畱畱

味道養齡擊鮮以娛治官蒞民考于庭趨  
大樸弗雕盛德莫踰維公有子克遵令謨  
述銘孔昭勿替勿渝

王氏先塋碑銘

延祐四年中書左丞王公出為江浙省右  
丞將行

天子遣使繇上旨傳旨旨曰毅其勿行七  
月拜中書省平章政事繇是推恩如今式  
得贈其曾祖為正奉大夫山東東西道宣  
慰便上護軍魯郡公妣周氏魯郡夫人於

是平章拜命惕然有言曰維我祖蓄德闕  
華慶貽孫曾稚昧實蔑克稱

天子寵綏于臣子厥亦赫厚願叙先德以  
收合宗譜子職在太史為我表而銘之楠  
謝不得辭謹按郡公名汜世家德州平原  
金將亡士族奔播南徙郡公有子全甫七  
歲隨從母走亳州稍長壻田氏由須城鄆  
城三徙後占籍汶上晚歲嘗謂子曰吾幼  
罹兵凶僅能記我考妣名字遺謀舊事不  
復省今祖墓在平原郭東北五十里曰水

務鎮我死力不能歸葬若等毋忘平原也  
今以平章累贈資德大夫江浙等處行中  
書省右丞魯國公公二子長曰玉次曰傑  
二女嫁張氏葛氏玉嘗一試吏輒謝去謙  
約無表襮策杖鄉社通慶弔煦煦無憊意  
今年八十有四以榮祿大夫河南江北等  
處行中書省平章政事柱國魯國公致政  
于家始平章以詹事歸養魯公曰其猶將  
聖天子軫齒召至渥我雖耄尚善飯汝不  
效犬馬報居家何為也又附  
詔使奏曰

不佞老臣骸骨堅且強謹遣臣毅一心事  
陛下

上大喜特授集賢學士資德大夫其配郭  
氏朱氏封魯郡夫人後以推恩進郡公訖  
封魯公魯公子三人長平章平章子思恭  
思齊思聖思誠思明次子謙謙子思禮思  
義幼子鼎鼎子思道思問曰傑曾公弟也  
子四人愿讓諒懋傑孫思正思進思忠思  
溫思益噫平原之墓繇郡公得封今始有  
表焉郡公之若祖若父名字弗可考隆然

北域則皆在其上而諸孫之與平章同高  
祖者凡四房猶在平原居平章振興于百  
年之後因郡公之追榮合譜繫族俾五世  
之本支橫列旁附將使之孝謹自將益昌  
其祖可謂厚也已銘曰  
昞昞平原土墳宅舒民用泰寧聿勤佃漁  
自河雲奔邑屋播逋有變者雛宵衣走途  
九折其行益南以趨絲毫投汶靡定厥止  
稅于須城客鄆以俟復還于汶以鑄以耜  
望彼北河有隆坡陀企焉音容戰兢弗磨



衡門之棲韜精養和曰我此有籍我墓伊  
何戒而孫子勿忘勿圯番番魯公樂道趾  
媿允也魯公不銜以試藝而忝稷亦有魴  
鯉遨嬉大耋訖用燾祉篤生辨章為國之  
梁夸毗弗師佩瑀秉璋諤諤蓋言百士避  
剛始事東宮岌高偃讓告疾遄歸厥聲  
四揚魯公在堂曰汝來庭國恩靡效慎其  
寐興汝車疾驅我餽斯寧鴻化惟幾靖希  
隆平勿忿以媚勿喜以矜  
帝曰汝嘉庸遏南征乃晉平章衮衣具榮

視品追秩三世是錫平原之塋松栢茂植  
維高維曾爰勗懿德寸雲敷功下土霈澤  
嬋媯祖芬肅爾承翼合宗別友秩秩毋紊  
瞻彼中林王氏之本匪祖曷思匪譜孰辨  
春秋墓門蟄蟄在巘紹開象賢繩武以昌  
平章之心孝思不忘刻銘先塋久載用光

邢氏先塋碑

邢氏世居彰德安陽之交口村金亡大姓  
散走譜謀塚墓軼塞率高曾莫能考名字  
維邢繇酒使君始著君諱植字子實幼隨

父母竄處林谷親疫死從兄林歸里力樹  
藝自給厚德卑讓以先業奉其兄後居城  
中蓄善貨取贏頗以財自振尚義急賑兄  
無子訖盡力治生死每曰嗇用近禮愛物  
近仁執信守常吾何憚焉坐肆中有客數  
人貿縑於肆者罷肆縑有白金遺焉追客  
莫及明日客至君先授之客曰果有遺不  
意在君所誠大長者相謝以去庚戌歲大  
災郡蕭侯率民携縑正力用命不可滅至  
君舍乃反風侯敬禮之始以推擇為酒使

歲終第籍上府窶戶無所納乃悉以已財  
補輸之書券於君者毀不問後不肯仕鄉  
閭化之至元二十四年三月二十有二日  
以壽卒于家年九十有六初娶李氏繼楊  
氏李生子曰德裕字裕卿風度皎峻展君  
所行整暢為儒吏擢本路錄事路隸某王  
分土俾復為酒使至元四年銓選格行授  
將仕郎博州路錄事遷潞州判官再遷從  
仕郎陽翟縣尹又遷承事郎藁城縣尹其  
蒞博州調征南軍不使富民委役於負潞

州有疑獄立剖之而讞陽翟獄尤著民王  
氏有婢竊其簪珥酒壺以逃盜不可得註  
誤相連坐乃密詢其素所往來或曰王氏  
姪誘婢他之度不可俱行因殺之以利財  
後卒獲其姪一訊輒引服縣人大驚爭持  
酒殺以賀在藁城會真定無極縣軍隊長  
匿戍卒鎗二萬五千緡詒言室中夜遇盜  
告于官三年不能獲捕盜官多受罪挾疑  
侶坐獄者三十餘人府以白樞密院咸曰  
是能決陽翟疑獄者檄君以問入其室左

右視驗實無有盜跡呼其孥二人別居之  
所對皆異辭遂直入其室發床下軍鏹咸  
在即日獄具而君以二十九年六月一日  
卒于官年六十有七初配王氏再配郭氏  
皆葬于交口之祖塋有子五人長曰乘仁  
字仁甫曰乘義某官曰乘禮曰乘智某官  
曰乘信女四人皆適士族孫七人女孫七  
人仁甫始由憲司筮仕入掾臺省兩為太  
醫院行省都事鐵冶正副提舉一再為二  
千石治撫州興學禮士盜不敢入境治廣

卒亦以善理寃獄有能名郡民立去思碑  
以祝之今以嘉議大夫禮部尚書致仕于  
家而橐城君卒以尚書為提舉時推恩得  
贈朝列大夫騎都尉河間郡伯王氏郭氏  
皆封河間郡太君尚書之長子溫字孟直  
更迭省部繇御史徧歷中書左司官諳習  
故事而克謙慎脩以禮度自處今授亞中  
大夫太名路總管將之官致尚書公之命  
曰父子俱受  
朝廷殊遇列三品夙夜兢惕實為先德溥

蓄再世以昌慰後人徒知邢氏之盛而莫  
知二祖之勗善培本者若是願刻諸墓上  
因子銘以昭示于後乃銘曰  
雲雷之交經綸靡寧上降下騰甲坼是承  
劬儉于躬不企其成蓄極斯泰奕奕振亨  
折獄探情罔用口才嗇以裕衆茲惟艱哉  
維子維孫享其胚胎仰俯橋梓播美益培  
霜雨濡降永思弥虔詔而後昆絜其簋籩  
仕以飭身止以樂全過者必式茲為邢氏  
厚德之阡



任氏先塋碑銘

青齊繇尚父啓封土沃民阜擅魚監之利  
山水險阨雄偉冠鄰壤昔時宰輔願優逸  
自便者爭乞守是土勝槩見於職方氏數  
千年盛矣劉豫視父子背宋以千里赤子  
驅為兵徒犯順滅德金主悟其元惡傳旨  
就戮而青齊戶口物故過半完聚未幾李  
壇復懷逆抗拒齊部所領益莽為墟若痛  
矣哉任姓世著滕州傳緒益遠有元帥府  
君諱杞以宏諱府君為遠祖墓于萍河源

宏有七子擢文武科墓碑燬落今繇元帥  
府君始可譜府君娶王氏二子長曰鈺金  
武舉進士終千夫長次曰釗字某幼長  
戈草薦考古今成敗以進取自任鬱不得  
志持素所講習訓導鄉黨陳抑義惡片言  
總榮耻薰受以化咸曰繫任公所成就郡  
縣以其行舉于朝辟行軍總管再舉沂州  
臨沂令皆謝疾不就始繇沂州歸于滕築  
室祖墓一日募火燎于野逼墓次公號泣  
伏墓所有頃火繇他行郡嘗上其事府君

曰吾得歸故里守丘隴奚外慕焉美鬢善  
容侗儻以隱逸自傲至元二十四年九月  
六日年八十有二卒以孫貴贈樂安郡伯  
娶周氏贈樂安郡君三子長曰榮曰滋曰  
英榮繇元帥府知事陞閩海道提刑按察  
司經歷以不樂入嶺嶠改授廬州嘉興總  
管府知事善心計仕泊如也以子貴贈某  
官樂安郡侯娶單氏贈樂安郡君生子四  
長曰居敬善吏事所至有能名為建康般  
陽路總管今以通議大夫禮部尚書致仕

娶王氏樂安郡夫人尚書子擇善承務郎  
樞密院都事執善江南諸道行御史臺譯  
從事女三孫三曾孫女一曰居禮房娶三  
房娶李氏七子師善中政院管庫兼善泰  
寧路司獄思善蚤世明善進善悅善從善  
始學仕曰居仁房居仁為鷹房總管府經  
歷娶王氏馬氏志善適善遠善宗善曰居  
義房娶丁氏伯善性善友善合子孫與曾  
孫四十一人郡伯次子曰滋房娶李氏生  
子四居安居信居寬居合孫與女二十

一人郡伯季子曰英房四子居實居慶居  
厚居德合子女十人嗚呼繇府君至于今  
凡五世通其譜幾百人世莫可儷豈非其  
孝感于鬼神蓄極以通故仕者振于  
朝而其未仕者各相勉思繩祖武以自顯  
匪表于墓則曷以彰盛德擇善深湛雅思  
見事不苟與楠同備屬翰苑厚善而尚書  
亦屢瞻其儀度俾有述焉奚敢辭銘曰  
滕薛之間任國首封傳於東都齒秩有崇  
禮食是問邈其遺風泱泱三齊絲臬沃豐

執智秉機厥俗攸同允也府君厄於兵艱  
閱詳興衰訓言間間左閭右族化其悖姦  
隱身墓廬以號以攀仕不强希榮恥莫干  
雲藏靈淵磅礴翁鬱朝躋于陵百谷彌溢  
德盛莫居子孫秩秩聿來墓門展祀芬苾  
叙昭辨穆孝謹罔失



清容居士集卷第二



*[Faint bleed-through text from the reverse side of the page, including characters like '清容居士集卷第二' and '十七']*

清容居士集卷第二十八



墓誌銘

翰林學士嘉議大夫知制誥兼

國史趙公墓誌銘代院長作

大德七年正月辛亥翰林學士趙公晦叔

卒于官其年十月中書右丞相入對

天子曰趙與票事

世祖皇帝幾二十年事

陛下亦將十年敦確清謹今既死無以歸

骨于里敢奏以請於是



天子命有司賻給五千復給舟車傳費俾  
其喪歸將行孟實等以狀來請銘復往歲  
直翰林公為待制其叙遷也亦相先後知  
公尤詳義不得辭方至元十四年間公以  
驛來朝深衣幅巾見  
世祖于上京冰澄玉瑩詞氣整朗言宋亡  
根本所在親切感動  
世祖傾屬自是入翰林為待制為直學士  
累遷為真學士公之為侍講也言江南箕  
歛急督移括太姓宋世立壟暴露皆大臣

擅易書詔明旨又言庚寅歲大霧蔽塞正  
月甲辰霈來西城其徵為下臣執權斂政  
言雖不行而公閉門待罪後司徒公俾同  
列諭意始復入署公每視職清望近思歆  
以言議質直理道確近條縷報上故所言  
嘗若剴切無隱而  
世祖皇帝沈幾先物神量莫測或為公懼  
至平章政事不灰木公為公奏私負歲積  
皇帝曰得非指故臣為虐者宜官酬其逋  
別給廩粟布帛以養由是始知君臣相與

膺合明著如是曾祖伯洙宋朝議大夫知  
南外宗正事祖師雍宋朝議大夫直寶章  
閣考希聖宋宣教郎史館校勘高祖宗正  
某南遷時丞台州黃巖因家焉伯祖師淵  
與朱文公慕次通鑑綱目凡例微言奧語  
耳受身履故公所行尤近嘗與許公仲平  
論伊洛閩域首言力行致知清簡惟高沉  
默自祕皆東南極弊文以顯道捨是無以  
議許公深然之至觀公待人愛士恩禮周  
洽不為䟽數翕訛其持家簡泊無復商榷

計慮非深知道者不能也天性孝友自宗  
正而下四世力請于朝而復其後贖姻黨  
男女為奴而不能歸者凡十有一人始登  
朱辛未進士第為鄂州教授由鄂來京師  
迄為翰林學士知制誥同脩國史積官至  
嘉議大夫年六十有二其所成就不為甚  
過而公以榮祿豐遇為可愧不獲老田里  
為可恨噫公之心如是而已矣初娶夫人  
舒氏不一歲卒歸橐中裝于婦翁不取今  
夫人史氏三男子孟實以公為侍講時特

官為承事郎同知瑞安州事孟賚温州路  
蒙古學教授孟貫將以廕入官以其年某  
月某日歸葬于黃巖塔山之原復嘗讀大  
雅文王之詩曰商之孫子其麗不億上帝  
既命侯于周服侯服于周天命靡常殷士  
膚敏裸將于京以知文王之德之盛商士  
之恪謹溫遜薦承天心維我  
世祖明德造邦式混區夏內外小大共為  
帝臣而公陟降左右承賚接錫終始若一  
至於不幸而死今

天子復申命而寵綏之則公死猶無死也  
是宜銘銘曰  
祿不歛羸謀不課利我以其拙彼以其智  
衣敝策駑內澡玉靈誦聲清冷鏗出金鐵  
蹇蹇九關士人殞寃維帝有訓四方于聞  
之身云亡之德不爽立環麓茂一息以往  
繫界之豐維時之通尚詔後人以封以崇  
奉訓大夫昌平平等處屯田總管贈  
亞中大夫永平路總管輕車都尉  
宣寧郡侯劉公墓誌銘

太祖皇帝沉幾整武，感金踰南，廼肇定中。  
原物土萌，孽橫出迭，變莫能稱。上意將  
草芟而獸蒐之，久而曰噫，吾赤子也。始料  
其民，俾執藝丕作，故家大姓，爭占籍自詣。  
遂得脫鋒鏑野處，以居飭材辨器，咸精其  
能，而人益效用，國以富強，猗歟盛哉！故昌  
平屯田總管劉侯之祖，仁時為金軍器局  
副使，治于汴，至是率其屬徙北，以行副使  
之考，秉文家河南，世儒族讀書，通大義，審  
金將亡，兩河大饑，家故饒，傾所積以食饑。

者或曰歲荐饑宜善蓄以俟府君曰國迫  
民流旦夕當走守穀可乎守子孫可乎後  
副使繇燕居宣德奉府君以養終葬于宣  
德為祖域首焉副使隨軍而北也諸匠官  
所領道亡過半獨副使整部伍工作皆完  
繕帥夫人竒勉之曰吾當入白上擢以美  
官卒俾見

太宗皇帝授諸路人匠提舉後陞總管以  
終其配馬氏故汝郡馬令公之女孫男三  
人長伯英雲州判官季伯豪安平縣尹仲



即昌平君諱伯傑字臣卿習土俗騎射尤  
善諸部語言初從其父至大興見尹郭汝  
梅郭以能理劇知名善鑒識一見即命佐  
麾下使候賓館使者鞭帽駢集指畫不可  
辨能悉其語意周折省約使各慰謝以去  
尹益取自近壬子春

憲宗獵渌州柳林尹日扈從治供頓一日  
上問尹近郊歲入州尹籍多寡尹愕謝莫  
對輒從旁其對甚習上下喜顧侍臣曰是  
人宜為官官寧有不能會供應官忤旨受

誅廼授警巡院判官即不避署事先白所  
司言京師號賈區竒貨善物可立致官減  
其直歲盡且不與雖百置市令無益卒如  
所白而官取需始輯秩蒲府咸曰捨劉君  
孰使遷本院副使再遷院使歷院四曰大  
典死平易縣樂陵循撫慰煦倉卒泛索不  
假氣色卒不使煩擾事益以理古言京師  
號難治若內縣得一善蒲輒蹈足以去君  
所為官凡七遷皆畿赤繁職使忤貴近一  
斥不復上驅民迎合將促數苛擾曷得更

取迭用以自顯若是則其治狀可無愧矣  
其治樂陵也鷹房數百人從旁縣來糗肉  
蒲馬尾意樂陵可稱意讀令諭之召其首  
曰使果犯誠不貰汝卒避去推樂陵所為  
政其治它縣與府院蓋可知也後為昌平  
路屯田總管積官至奉訓大夫卒以至元  
二十三年四月某日年六十有五其葬在  
大興縣招賢鄉烽臺村之原男六安易縣  
尉蚤世弼監太倉支納致事  
裕宗皇帝年勞補官積遷中大夫建康路

總管府事佐承務郎同知深州事敏從仕  
郎深州判官敬承事郎藏珍庫使女三長  
適幽州賀進次適承務郎尚舍監丞蕭某  
次適嵩州判官田從義孫男九可大將仕  
郎同知馬籠州事可久蚤世可浩崇祥院  
尚印可任幼侍東宮進義校尉行篋司  
藥局副使可復可真國子生餘尚幼孫女  
五長適安平王某次適幽州郭炫保定子  
傑幽州朱棟蔚州宋某延祐中贈典行致  
官三品得贈二代始追封亞中大夫永平

路總管輕車都尉宣寧郡侯夫人宋氏宣  
寧郡夫人而祖父亦贈中順大夫宣德府  
知府驍騎尉宣寧郡伯配某氏宣寧郡君  
桶往興太常博士楊君宗瑞游過其塾見  
劉氏諸孫齊襟受經雍穆有度而建康公  
禮法自持未老倦游爾然以門戶訓勉今  
觀博士行述儒素之積實繇河南來禮不  
忘其本遭時熙明將於是乎振遂不讓而  
為銘銘曰

魏巍

元后成玄功  
鋌戈鋌指中  
州從麇驚鼠  
竄耄與童土  
金石木獸草  
工各飭收職  
程作供徒彼  
儒族漸勁雄  
敕甲奉貢朝  
紫宮語言清  
琅纈耳聰拍  
掌代對剖臆  
胷天府赤縣  
更選庸貴瘖  
獷伏氓顛顛  
游刃不缺至  
理通大椿靈  
根壤墳豐美  
蔭蔽芾宏闕  
崇鏡銘堅珉  
德彌隆

將仕佐郎信州路儒學教授陳君  
墓誌銘

大德丁未余供奉翰林與廣信陳志仲游

粹然以容慎密不妄言間語昔時祖子孫  
家慶故事志仲堯爾言曰吾大父迪功君  
大母程夫人罹兵難時年七十餘我嚴君  
衛鄉保入侍二老人嬉戲盟饋奉禮如昔  
迪功君年愈高別築華山梅堂以奉益不  
復知有世事于時諸孫實五世矣迪功君  
號南隱翁翁終時年九十有四方南隱翁  
無恙時諸父皆逝唯吾老人力整門戶訓  
兄弟子後以儒術興者凡若干人幸為我  
記華山為己酉歲秩滿南歸余師剡源戴

先生教授信州亦還言廣信多郡博士獨  
陳博士溫讓材智篤素慎行為第一方有  
司急庸詞徵儒生幾二千人能力言而盡  
復其役汝官京師有名敏學字志仲者其  
子也與之游乎未幾志仲以信州教授致  
仕命歸榮其親後為宮師府司經典籍稍  
遷太常留錢塘遇之則又曰吾親年七十  
時嘗為書授敏學曰年至而仕非古也壯  
者必仕仕不求祿養吾視大父年不敢跂  
幸氣血康完若二兄恂恂善持家勉若以



仕勿懼也。皇慶癸丑，余復入史館。志仲則以太常舉，將為博士。冬十有一月，訃至。凡所與游者，皆入弔。越三日，凶服踵門泣，不能言。以國子博士虞集之狀，投桶俾為銘。君諱萬里，字德甫，弋陽縣人。幼善屬文，長從工部侍郎韓公禾學詞章。起居郎徐公直方受理學，謝公枋得張公卿弼植志節。咸淳癸酉，薦于鄉。後起家廣信書院大脩。燕居堂，面帶湖，立諸生論古今成敗道理。遺言微旨，文質益損，皆口授手畫。諸生不

忍去請于官留帶湖凡十年南隱翁卒學  
者咸會葬焉雅性寬厚善清言與人交久  
而彌篤歟歲疾札發粟施藥以全活家多  
書讎證成善本謂諸子孫天佚吾老吾遺  
爾書守儒為準守身為本餘何言哉壯歲  
慨然慕詞學故於章啓語尤精噫方宋文  
治時立博學宏詞科番易三洪公周文忠  
公迄致清顯至呂成公真文忠公闡正學  
彌貴重真傳諸徐鳳徐鳳傳諸尚書王公  
應麟公曰中是科者實有命晚歲問難無

以承諸生徒自辱爾桶聞是語愧汗累日  
今幸與志仲交意謂從廣信山中論竟斯  
道今不可得矣屬續之日戒勿用浮屠事  
實以九月某日卒得年七十有六以某月  
某日將葬于永年鄉之吉田曾祖謙道祖  
應隆考文光即迪功君也長子誼次天驥  
皆為郡學官先娶程氏出次敏學將仕郎  
太常太祝今方氏出女三長適方晟次徐  
某次方天祐孫男七人長師中第五孫弘  
為大都路儒學錄孫女五人曾孫女二人

楠嘗謂士患不得名巖居谷隱一時推可  
多任使尚輕重若先生者休然養名乎進  
安時鄉閭化之郡縣企之孫曾承之歿有  
餘德古所謂鄉先生者陳氏之門見之矣  
是宜為銘銘曰身卑而志高  
日劬其躬以濟其逢不逢樂天脩齡以終  
帶湖之徒來會幽宮彼列者泉樹之青松  
而子而孫慎其延弘式昭墓門百祀弗窮

陳士直墓誌銘

咸淳三年浙西提點刑獄戶部陳公卒大

臣以公清直挺著特官其子嵩伯是曰貴  
白甫有子命名長曰紹廉季曰紹庭廉言  
清庭言直也壬午歲余過奉化入其里居  
拜戶部夫人于堂下退揖貴白甫于賓次  
識二子焉其季紺頂斑襦眉目刻成燁然  
碧光流几席稍長羣諸生誦聲琅圓端默  
絕外嗜又十年貴白甫居徙江浙復入城  
僑館則季已加冠字曰士直神益完貌益  
整肅客侍立無倚怠退具醪茗動中周折  
不復俟指顧間從士直坐書室鉛黃森錯

卷帙整束受業退暇琴清筆潤花竹手植  
如幢列入咸曰誠有子桷則曰是宜壽且  
傳噫世胄彫蕩夸者馳侈靡卑者淪頽仆  
幼儀雅言耳目不相接垂三十年脫有能  
自樹植皆野人窶子椎魯不入繩墨獨士  
直以故家兒接受薰熟而貴白甫身教簡  
易故人皆愛士直靜且和足以蔚其宗余  
亦愛士直將挈而克之使益有令聞大德  
丁未余官禁林有言士直遵海東游京師  
遲之不復至巴西歸里貴白甫泣且言曰

吾紹庭甫壯以九月某日亡矣其死也遺  
筆叙訣無怛語獨屬兄置後以慰父母明  
年春兄果得男曰鑄配汪氏遂育以成其  
言葬地在宅西嶼山以辛亥十有二月某  
日窆俾楠銘謹按官譜曾祖諱某宣義郎  
致仕贈朝散郎祖諱肖孫朝奉大夫戶部  
郎中浙西提點刑獄嗟夫世患不能持身  
既壯且脩振衣康莊御轡遠騁其進莫可  
止輪擗輒敗卒歸于命貴白甫秉德師古  
迄逢不淑莫紓其悲以貌期稱余復失之

天乎是果不可知也庸銘以慰而翁銘曰  
有燁者珠復沈于淵云誰尸之蒼蒼維天  
雲乘嶼山屯食歸復詔而兄子以衍以續

戴先生墓誌銘

先生諱表元字帥初一字曾伯世為慶元  
奉化州人七歲學古詩文多竒語年十三  
即加冠入鄉校從里師習詞賦輒棄不肯  
學諸父強之迴游臨安于時新定方尚書  
逢辰廬陵劉博士辰翁以論策表厲進士  
得先生程文大竒之咸淳己巳入太學改



歲以三舍法升內舍生又踰年辛未試禮  
部第十人登進士乙科授建康府教授越  
乙亥歲由建康歸遷臨安府教授行戶部  
掌故皆不就積階至文林郎大德甲辰先  
生年六十一矣會執政薦于朝起家拜信  
州教授秩滿授婺州以疾辭至大庚戌三  
月卒享年六十有七先生在建康時先處  
州通守是邦朝夕互還徃先生眉目炯聳  
慷慨自奮欲以言語筆札為已任嘗曰科  
舉取士弊不復可改幸得仕矣宜濯然自

異斯可也。後二年失仕歸剡，遂俾桶事先生。始盡棄聲律文字，力言後宋百五十餘年，理學興而文藝絕，永嘉之學志非不勤也。挈之而不至其失也。姜江西諸賢力肆于辭，斷章近語雜然陳列，體益新而變日多。故言浩漫者蕩而倨，極援證者廣而類俳諧之詞，獲絕于近世而一切直致棄壞繩墨，焚爛不可舉。文不在茲，其何以垂後先生深憫焉。方是時，禮部尚書王公應麟、天台舒公岳祥師表一代先生，獨執子弟

禮寸聞隻語悉囿以為文其文清深整雅  
蓄而始發間事摹畫而隅角不露施於人  
者多尤自祕重不妄許與晚歲翰林集賢  
以脩撰博士二職薦論而先生不可復出  
矣維先子與先生總角相厚善暨先生登  
進士年盛氣邁故舊貶抑者不敢自進先  
子正色相輔復以不肯孤托于先生誘之  
迪之獲不失其身往歲解官南歸於是先  
子捐館踰一紀矣先生始愴然曰先公之  
德幸勿墜嗚呼朋友道喪久矣過時而哀

桶實何敢忘自昔孔門首分四科歷代之  
士率不能無有尊德行者後文學世嘗病  
焉先生為文尤多於忠厚孝悌之語後之  
慕言者其必有所考夫文以蘄遠果能遠  
矣而近者五六年或止百餘年其不幸  
者又皆為水火燬沒亡紀使誠盡傳也則  
世有能名者不一二數然視今世焯焯所  
傳又皆無是事噫傳與朽始固不論也魯  
祖辛妣劉氏祖汝明妣鄭氏考灝妣王氏  
世多儒科伯祖杰端平初為宗學諭篤厚

為時輩所尊先生詩文若干卷疾革猶手  
加繕定以所居鄉名曰剡源集治窆張村  
葬以至大元年三月某日娶陸氏子男四  
初陽次紀後庚幼儒女四壻曰陸孟孫孫  
肖翁徐公說素庚孫孫男九人始先生兩  
授徒于鄞于宣于杭其徒散處莫會初陽  
等謂從學家久而知吾父者宜莫如楠遂  
俾誌其墓迺泣對不敢辭銘曰  
桓桓戴系立氏以謚信都九江集禮秉衛  
在漢國鈞守正忠毅別籍于剡貞德彌勵

琅然孤桐不諂其逢浩歸衡門邈爲冥鴻  
二季重輝續其高風箋經暢隱雅言春容  
厥壤犬牙旁邑是著方門之支本茂葉附  
展世斯赫宗黌攸輔詵詵餘慶聿踵先武  
振聲鋪華先生是承有燁者光不竦不凌  
在泮蒺冠掩耳以行曲裾長襜祗繫其身  
千塗競譌一轍交走正岐前驅白首莫疫  
發其粹精如瘖脫口如轡在手如藥在肘  
屢躡于艱秉禮益閑有泉潺潺有佩珊珊  
駕言東游曰知者天卒昌其文以終立樊

張原之栢先生手植彼高為南彼鬱者北  
告而嗣子以頌以則昭銘墓門過者必式

周隱君墓誌銘

先王盛時以三物教民六行之不脩則設  
刑以糾之是六者切於人道之日用故嚴  
以為之防其理然也降於戰國彘倫益斁  
孝友著於列傳擁強賞特短長縱恣郡國  
作史者復傳其事豈誠有激於世乎納粟  
之令行虛文益張實不見於鄉黨執筆以  
揚人之美不偽則佞吁可懼也矣廬陵曾

君巽申與楠同在翰林狀其姻家周隱君  
之行曰君諱天錫字極翁吉安路安福州  
人曾大父大成大父宗元平實自持以累  
舉恩授迪功郎臨江軍新喻縣丞父九鼎  
薦信行歲饑能損粟直以售遇朋友急厄  
傾貲解授裕如也牟均翰領史爭將薦以  
自近後不果文丞相信公靳許可扁其齋  
居曰信太學博士劉君辰翁實銘之是生  
隱君嘗以詞賦上轉運所江丞相讀其文  
竒之事親盡孝侍疾治喪悉如禮以遵父



志其待於族姻洽於鄉鄰者彌有廣焉性  
不事表襮勸之仕謝曰吾求全吾初遂因  
以自躪至元二十九年十一月年五十有  
二以卒娶蕭氏男長孺將仕郎征東等處  
儒學提舉孫男三福祺禎孫女四延祐五  
年四月甲辰葬栢溪之橫原讀其狀則知  
夫厚德之延非一世繼志紹聞久而彌光  
泉蹇於山木生於地磅礪鬱積有自來矣  
君之遠祖廣為南唐節度押衙積憲衙為  
御史階金紫唐廣明以來有是官曾君平

居語不妄孫禎曾壻也曾之先君監察御史縣桂陽時為湖南主文實拔君為首選事可證若是銘曰

有錦綉之有玉匱之蓄兮續之是用穀之廬陵之原豐碑秩秩昭其幽光詞不以溢

楊府君墓誌銘

江南官簿大家運統合一緒墜謀散流降不復可考或者謂聲聞詭激德不稱名馴致是理味其語淵乎有旨哉冀疇叙五福首次以富終之以考終命而祿位弗叙若

是則尸祿位者私善惡喜怒鉤名挈譽幸  
終其身其禍可勝道哉至治元年余校文  
南宮得一士曰張純仁廣信人也調鄆縣  
丞鄆為余里會謁告歸純仁踵門以其舅  
氏之狀請銘其愛氏為武夷楊氏楊繇侍  
讀學士微之翰林學士億顯後有徒信之  
弋陽今為弋陽人其曾祖諱崧祖元龍考  
汝翼妣三世曰李氏程氏江氏考能詩有  
集曰醉吟李君明道叙之君名謙之字謙  
叔嘗監麻沙鎮後不復仕其所從師曰謝

公君直純仁之祖教授君某其事親有誣  
其考以重罪君總角詣庭直其寃其居室  
銖黍充剗使善裕其施于鄉損粟直以濟  
饑買田以助縣庠其宅南有重巖水石君  
能專美獨樂之其娶熊氏閭助迄成其家  
子三長昭德次拱辰先卒季進德孫男九  
孫女六曾孫一其生在寶祐丙辰卒以泰  
定元年正月某日年六十有九其葬在武  
石山噫所謂五福斯備者歟其自號曰謙  
山名字與號若不相捨茲其為延永也大

矣是宜銘銘曰

世以祿夸我弗企之積小以高莫或躡之  
峩峩長松美蔭日䟽迄樂具全弗僭弗踰  
武石之山固爾體魄爰廣基門過者是式

劉隱君墓誌銘

五經之學錄宋諸儒先緝續統諸詩首蘇  
轍成鄭樵易首王洙東萊呂祖謙氏後姑  
定十二篇胡宏氏辨周官余廷椿迺漸次  
第書有古文今文陳振孫掇拾援據確然  
明白言傳心者猶依違不敢置論至天台

劉君正仲諱莊孫始憤然曰吾不能接響  
相附和尊聞紹言各為論著不沒其實而  
先儒之傳益顯所為書曰易志一十卷詩  
傳音指補二十卷書傳上下篇二十卷周  
官集傳二十卷春秋本義二十卷其論春  
秋為魯史之舊是則發揚先儒之遺音喜  
著書能以詞藻達幽隱復為論語章指老  
子發微楚辭補註音釋深衣考而其所為  
詩文曰芳潤藻凡五十卷和陶詩一卷噫  
多矣哉學患不博博矣其必不能以精

也士生于今會衆以合一由谷而之川川  
以達于海蓋其書具在獵英聚珍朝成夕  
上敏而求之者良不以為艱是則於劉君  
見之君少學古文湛深隱伏不見其涯淡  
落筆數百語詩工次和愈作愈平順而幽  
愁感難思其平昔狀其羈窘鑿燭清激物  
莫有逸遁者性嗜酒不解治生業幼侍其  
父府君昇自為師弟子從閩風舒先生岳  
祥游唱和不輟空林絕嶂目接耳受一寓  
於諷詠晚歲先會稽郡公延入塾教諸甥

楠相與論經旨往復不避輩行蓋君篤信  
周官而不鄙每置議君亦不以為忤在太  
學五年不善為同輩文字不獲釋褐今其  
所為書先師尚書王公摠而叙之大德六  
年十二月某日卒年六十有九娶王氏後  
七年卒子三長主一早夭次存翁學翁女  
一適董可傳葬于士奧之龜峯劉為寧海  
儒族八世祖世克為吳越王錢氏授官  
閩風里有二劉曰和叔曰允叔於君為曾  
叔祖有文名不大光顯至君父子亦若是



今遺書其在詎果無傳也邪曾祖某祖某  
妣某氏其子存翁嘗請銘以久官翰林不  
克為至是二十有四年矣今復有請愀然  
謝曰隱君振華續光將大有傳者舊漸盡  
棟敢不自勵銘曰

探微證墜前哲功後學剽襲誣顯豪偉執  
卓識合異同輪囷卷帙諾不窮冥搜玄象  
歌泐泐弄筆為戲箋魚蟲辟雍三黜命莫  
逢絕述有在蓄極通墓門永揭昭儒宗

曹士弘墓誌銘

褒貶論春秋解經者失之作史者祖之則  
益失其旨矣宋祚歷三百餘年經國之綱  
領治迹之盛衰實書以示後其義自見深  
文巧避多出其子孫而為國諱者掩而益  
彰沾齷不決何以傳信吾友曹士弘甫深  
憂之蒐摭遺逸不瞽於昔時之議論自成  
一家其貫穿出入年經月緯誅其私心附  
以旁證莫能逃遁桷往歲亦嘗以是自任  
故書燬廢不復敢因微言曰帝在房陵豈  
乾侯之例邪外大夫不書卒書卒者其是

邪士弘甫撫掌大以愚言為然嘗約吾二人當必任是事嗚呼士弘甫今往矣以余之識闇志荒不復能有成矣士弘甫讀書目過即成誦理財養兵禮樂刑政之損益折衷於古經而以通今所宜行者為之準其見於用也不卑於簿領而志足以展用取於交也盡其所長覆護以捨短故舉世一皆以為為賢奉親孝事兄以恭訓諸生專席廣說耳領心會爭踵門受業後卒致顯仕初為郡史燕公公楠為大司農辟以自

近歷婺州純孝慶元丈亭廣德陳揚村杭  
村巡檢後入銓曹復授陳揚村揚村父老  
咸曰是嘗攝吾里者矣曹君善撫字今年  
饑必賑我我何之君諱毅武惠王裔孫五  
世祖某從隆祐太后辟兵過廬陵因家焉  
曾祖某祖某父某有詩集六卷祖妣鄒氏  
妣羅氏鄒氏以叔父某太學釋褐恩封孺  
人所為文若干卷纂言行編曰鈞玄凡五  
十六卷疾革命諸子曰必返汝祖母故塋  
吾魂氣無不之得地即埋我卒以至大三

年四月某日年五十有二子男五人汝霖  
今為兩浙轉運司書吏汝舟饒州器資宣  
州皆以秀才舉馳以醫業入仕幼桐孫女  
一適劉某先卒孫男女七嗚呼人嘗恨位  
卑齷齪媚上甚則策功利以求進名在罪  
籍不自悔王公貴人持與奪生殺身死無  
足稱道較士弘所負所傳得失為何如也  
先師禮部尚書王公應麟為文餞之曰闕  
里高第冉有用矛樊遲為右士弘為此官  
文武同方之道也侍講學士張公伯淳則

曰伯淳官慶元士弘在慈溪與之友不敢  
吏朱雲也汝霖汝舟皆能世其學泰定二  
年汝舟以書抵余求銘實不敢辭銘曰  
斲也不食我心孔悲聿求王明以策以馳  
輪囷知聞如山簇雲纂史闡名不屑於文  
緝墜紹緒執筆是紀年不稱德傳世則偉  
作銘乞哀以詔我同志

陳縣尉墓誌銘

咸淳閏十禩諸縣獨奉化號多士流出入  
太學上南宮上慮十餘人于時蜚聲秀穎

旁縣皆歛手避讓一時傳誦習讀謂清選  
不歲月可馴致未幾

皇元合一皆失仕歸里挾策授徒踈糲自  
給俱不能享中壽子弟不自振飭復歸為  
農陳君亦咸淳甲戌進士不自矜襍接幼  
待賤謙挹愈加混跡蒿翳不知其為故官  
而得年且八十有一有子漢復能以儒自  
守其視前數公良夔過矣君諱觀字國秀  
嘗調臨安府新城縣尉十世祖崇尉奉化  
因占籍焉子孫日蕃其家顯者曰太學博

士著於君為元博士倅貳臨安君館于其  
家君之考承務亦在館既策名客館其兄  
復賀其父人咸榮之晚歲足不入城府州  
爭迎致率諸生以請業君一至即謝去徇  
徕巖壑侍博士窮幽扶竒連唱屬和有帙  
曰棣萼集其自為詩文曰竅蚓集嵩里集  
延祐五年三月疾忽作猶力書中庸一章  
以授漢是月某日卒祖諱某妣戴氏以守  
節著事見州志考某承務即妣戚氏董氏  
孫男二時說時敏孫女一已嫁次未行今



葬剡源鄉畢駐里樹于曾祖迪功某之地  
銘曰

日垂崦嵫亦既見斗實命不逢怨則屢疾  
布衣便便迄享大年執其韋編戒子于傳  
維陳令族詩書是績作銘昭昭以告必復  
靜清處士史君墓誌銘

大德七年楠官翰林史先生以書見貽不  
獲領後二十年子璧孫橐其書橐以示友  
復痛悼策勵于楠為甚重今撮要而表之  
曰斯文剝喪餘數十年師表郡縣學者應

格則得未嘗于其人後生不說學亦未嘗  
知學別偽務實而挽之古子宜勉焉非可  
以虛談莫也又曰吾將死得子文表于墓  
楠拜手讀之泣然以泣先生於外家為舅  
氏猶記拜先生於獨善坊論宦族纒屬文  
詞顯著獨缺自吳丞相開新河有相者曰  
邇後當踵有之甥宜自重先生於諸經窮  
探微旨證墜緝缺不溺於諛聞剖釋正大  
而折衷一歸於前指論古今得失必探情  
偽以暴其罪正色憤悱若造庭而受其責

也為文遠古不雜異說手抄口講更僕不能以盡孝悌遜讓知其出自然也先生諱蒙卿字景正生而竒頷秀目七歲善屬文年十二入國子學通春秋周官經復兼詞賦江文忠公萬里常參政挺時為大小司成器待之咸淳元年登進士第授迪功郎復州景陵縣主簿呂少保文德帥鄂檄入幕呂命先生勉蜀帥溫和解正陽圍溫疑呂猜阻不肯發微語撼之即就道凡所需器物一夕以辦溫實先公帳下校却立曰

史監軍誠有子調穿山鹽場諭義勸輸戶  
不知有筭榷十年改江陰教授復改平江  
至是不復仕故其詩文多感憤自喻禮部  
尚書王公應麟嘗勉曰思深辭悲學陶靖  
節其得之維鄞史族號相門曾祖諱浚蚤  
夭贈中散大夫祖諱彌鞏司封郎中贈少  
師司封以儒學致顯當貴盛時獨早退自  
持鄉人稱為獨善先生妣戚氏華國夫人  
考諱肯之中大夫湖北提刑兼知常德府  
贈太中大夫妣趙氏周氏碩人太中熟邊

事折衝料變有大帥才時宰尼之太中在  
湖北時謁告歸省從巴川陽公岳學易春  
秋一年復歸國學迺中上第士常患固陋  
株守皓首不寤先生識足以窺淵懿絰締  
一原合師友之旨老而彌實確而不懈故  
其成就若是自號靜清晚歲罹厄窮講道  
不輟從者益衆天台多名山心樂之僑居  
者八年大德十年七月某日卒享年六十  
疾漸革語諸子曰我死必歸葬不能得資  
良累汝汝有志其果能成也是歲十有一

月樞歸祖墓明年葬于陽堂鄉穆奧之原  
娶陸氏朝請大夫將作監合之女子璧孫  
墓孫坐孫臺孫女伯佺適葉信公夢鼎之  
孫揆翁仲忱適紹興中書舍人潘公良貴  
之曾孫世演二女未行有文集二十卷易  
究一十卷託永遠於少賤誠不敢承命歲  
月逾邁而璧孫能遵守不貳奉遺言以請  
曷敢以不腆為辭銘曰  
貞絜陸沉志裂金石秉言無郵厄則孰職  
驥伏于襄不稱其德塊獨結約忿決胃臆

特丸障瀾盡瘁不休卒昌者名屢空靡憂  
生為完人歸藏于立有子紹學曷怨以尤

清容居士集卷第



